

A I R E A M H.

rann comh-roinn^a d'am bailtibh m'an cuairt orra.

3 Agus bithidh na bailtean aca gu còmhnuidh ghabhail anna, agus bithidh am fearann comh-roinn air son an spreidhe; agus air son am maoin, agus air son an ainmhidhean uile.

4 Agus ruigidh fearann comh-roinn nam bailtean a bheir sibh do na Lebhithich a mach o bhalladh a' bhaile, mìle lamh-choille m'an cuairt.

5 Agus tomhaifidh sibh o'n leth a muigh do'n bhaile air an taobh an ear dà mhìle lamh-choille, agus air an taobh dheas dà mhìle lamh-choille, agus air an taobh an iar dà mhìle lamh-choille, agus air an taobh thuath dà mhìle lamh-choille; agus bithidh am baile 'sa' mheadhon: bithidh fo dh'oibh 'na fhearann comh-roinn d'am bailtibh.

6 Agus am measg nam bailtean a bheir sibh do na Lebhithich, bithidh se bailte chum didein^b, a dh'orduicheas sibh air a shon-san a mharbhas duine, chum as gu'n teich e 'n sin: agus riu-san cuiridh sibh dà bhaile^s dà fhichead.

7 Mar so *is* iad na bailte sin uile a bheir sibh do na Lebhithich, ochd agus dà-fhichead baile: iad sin *bheir sibh seachad* agus am fearann comh-roinn.

8 Agus bithidh na bailtean a bheir sibh seachad do sheilbh chloinn Israeil: uatha-san aig am bheil mòran, bheir sibh mòran; ach uatha-san aig am bheil beagan, bheir sibh beagan: bheir gach aon d'a bhailtibh do na Lebhithich, a réir oighreachd a ta e sealbhachadh.

9 Agus labhair an Tighearna re Maois, ag ràdh,

10 Labhair re cloinn Israeil, agus abair riu, 'Nuair a bhios sibh air teachd thar Iordan do thir Chanaain,

11 'An sin orduichidh sibh dhuibh féin bailte, gu bhi 'nam bailtibh didein dhuibh; a chum gu'n teich am marbhaich 'an sin, a mharbhas neach 'an ain-fhios^c.

12 Agus bithidh iad duibh 'nam bailtibh a chum didein o'n dioghaltair^d; a chum nach bàsaich ean a mharbhas duine, gu an seas e 'an làthair a' cho-chruinnich ann am breitheanas.

13 Agus do na bailtibh sin a bheir sibh seachad, bithidh se bailtean agaibh a chum didein.

14 Bheir sibh seachad tri bailtean air an taobh so do Iordan, agus tri bailte bheir sibh seachad ann an tìr Chanaain, a bhios 'nam bailtibh didein.

15 Bithidh na fè bailte sin 'nan didein, *araon* do chloinn Israeil, agus do'n choigreach, agus dha-san a bhios air chuairt 'nam measg: a chum gu'n teich gach neach 'an sin, a mharbhas duine gun fhios.

16 Agus ma bhuaileas se e le h-inneal iarunn (air chor as gu'm bàsaich e) *is* mortair e: cuirear gu cinnteach am mortair gu bàs.

17 Agus ma bhuaileas se e le clach a thilgeadh (a dh'fheudas a bhàs a thoirt) agus gu'm bàsaich e, *is* mortair e: cuirear gu cinnteach am mortair gu bàs.

18 No *ma* bhuaileas se e le lamh-bhall^e fiodha (a dh'fheudas